

兩廣紀略
一卷

匿于其家而不能奉之以申大義于天下
某聞海
外尚多人物當必有說以處此

賜往始末終

一
卷
兩廣紀畧

兩廣紀畧

華復蠡

甲申三月二十七日梁溪發棹逗留茗書者一月
五月朔渡江六月朔過南昌十九日踰梅嶺七月
朔上新興陸道十五日渡海二十一日抵臨高任
署無室衙無役悔三百金資斧至此也每二更聞
雞啼聲愀然曰此亂徵也胡爲乎來哉方匝月生
熟黎以署令而破城先一日居民告我於所寓前
後書新任某寓此則無患是日早爲之署令已戮
及母妻矣慘哉貪酷可爲哉我書畫廢寢殮招撫

者六十日至十月府道拿齋從保全者千餘家推
官相公欲殺無辜我力阻逢怒十一月遂懲本道
林次翥以坐視不救幸災樂禍責我因罷官舉邑
紳民哀之哭而送者數百人植去思碑於城隍廟
西以誌變亂時得賢父母斯時適適然釋重負也
周孚先棄我去就儋州陳知州館子養隨我寓遷
居瓊臺望五指插天並緣海尋水落石出處東眺
大洋見巨濤如山而來初驚怖特甚後則數其濤
之大小而樂焉乙酉年六月殺署令事復發以聞

地爲皇居其家屬特奏故也欲提該邑紳民間罪
舉國狂走我又爲之出銀八十兩於粵東臬司寢
其事十一月周孚先卒於李司李署停棺小北門
復爲葬之丙午年二月天衢爲道府所拿逃入瓊
府依我時春夏交城外野雞每每夜啼惡之後入
秋冬益甚曰必亂徵也去之十月朔攜家眷過海
而北客雷州二更雞啼更甚棄去行七百里上廣
西梧州府陸川縣孚先子亦隨焉時十一月望舊
令施古瓚已去任我爲屋三楹於城以貯眷屬十

二月朔上北流同古璜下蒼梧時古璜守蒼銓曹
欲趨端溪也二十日至德慶州傳言羊城紹武帝
已爲清朝所除古璜不敢再下我獨往二十二日
入肇慶擁戴首相丁魁楚者嗷嗷要銀至二十五
日早晨猶遇退朝官拖朱施施少刻永曆帝以兩
人轎下小艇走矣我有一小艇下河隨衆而逃除
夕傍晚遇古璜於藤縣丁亥年元旦舍舟從陸古
璜止於北流我仍回陸川時已元宵夕也陸川縣
城野雞又復二更啼矣心雖惡之計亦無他之二

月初六日古璜忽挾家眷仍奔陸川依我者四月
二十二日清兵大至百室安堵我止費銀三錢爲
一飯以待浙人嗣三四月舊總戎陳邦傳潛於賓
陽始則縱兵劫掠後則被搶者率多追隨以肆劫
掠自四月初一日破容縣五月初五日破北流之
後遍地皆賊皆曰恢復兵也五月初六日將家眷
寄入深山之大橋村山水田土佳絕幾欲家之因
有幾担木香在城不欲遠去離城數里棲一庵中
至十五日陸川縣破矣我亦被掠送入監一夕索

同慶紀略 三
銀五百兩我以一妾與之彼贈我銀八兩深入大
橋周孚先子棄我入博白陳邦傅部下爲參將七
月內家眷染瘴氣初七家婦亡二十五先妻亡至
八月初婢僕輩死者五人我父子亦大病舟入城
寓城東紫銅坡十六日孫時顯者率兵攻雷州路
經我寢室釜室俱罄父子二病體受其毒拳者累
百與死爲隣矣二十五日周孚先子提兵過陸川
來看我病九月初一日遷入陸川署令內室因念
家鄉骨肉俱喪此地戀此何爲十月十五日將先

妻冢婦之柩焚焉攜其殖一千五百里上南寧府
經綠珠貴妃故里山水奇秀甲天下知南寧從未
經兵火也定兒并妻不從十一月二十二日入郡
城人物繁庶糧食便易昔號爲小南京猶然樂土
意欲居之適一浙人送一梧州女子吾大兒遂買
屋四楹於治前蕭元圃之對門後有盛巷項竹匠
之族國初至此甲第聯縣現兄弟叔姪舉人四人
與我爲家人好亦足樂也至戊子三月初十日永
曆帝又踉蹌而至矣斯時見有隨駕者吾常吳元

聲浙東嚴秋冶江右王登水蕭韓若數人耳四月抄廣州李成棟者忽反投明朝遣洪天擢潘曾瑋李綺三人齎疏迎駕六月初十日永曆帝駕下肇慶時南寧城野雞又二更啼矣我決意東下苦無舟至七月十三日丹陽賀退庵與吾一舟方欲解維退庵爲仇人所劫行李被搶將及於我我急訴之而止退庵飄驚不知何往我身自搯舟月白風清迅水順流任其所之自永淳而橫州而貴陽而潯州而平南而籐縣而梧州而封川而德慶而肇

慶竟日竟夜三千里鼓棹而下過德慶時夜聞征鼓聲有言曰此皇舡也我初不信明日視之是也抵端溪西峽時爲七月二十九日也僑寓於東門外閱江樓右師古璜亦在焉賀退庵皆在焉遇龔端木令郎在田言元琳事爲之淚零者彌夕斯時凡屬相知皆爲我揀如何好官做不知我冷眼觀破見宰執仍無柱石之才羣僚率多徼倖之徒瞿稼軒官非不顯也戊子年二月二十三夜之弔打不免丁魁楚銀非不多也丁亥年四月初四日夜

父子駢首就戮生當斯世爲官適近喪身一路人情險惡世事涼薄知此筵席決無好散場遂以空閒觀忙官忽聞賀退庵以特叅李綺三人三人復仇囑成棟養子李元允擊之於監欲絕其食以斃之退庵無親戚僕隸只告哀於我我若放手退庵死矣爲之用銀一百兩以活其命又爲之求解於太監夏國祥以減其罪至己丑年二月初一日復爲之保出獄再贖銀四兩買衣飾四月初一日又贈銀令之逃入桂林後退庵不知何往後三月初

李成棟亡之信已確肇慶君臣各復解體適有浙人旅亡遺妻無養歸之於我我亦遷於鄉以消夏一年來文官之命制於武臣之手身登兩榜時爲武弁揮拳屈膝五虎一狗笑破人口至八月雞又二更啼矣甚至兩翅生距駭之此必大亂之徵也宜急去十月中再攜家眷遷至番禺縣之石壁鄉至庚寅年正月初七日肇慶聞清兵破南雄自己兵可在城內外大搶大殺先從官之顯者囊之重者及之惜我不及見也庚寅一年清朝兵馬頓首

五羊城外守禦諸人以爲萬分無虞一浙人邀我
入廣因見天衢爲同知宿三夕于毛子霞寓每酒
後將睡雞輒大唱我私念曰如此兵圍困雞又何
啼豈有更甚於此者乃我出方一月而城破矣破
城後十一月二十日入城見天衢一裸體也問我
討銀三兩置衣服妻妾被拿又討銀二十兩贖妻
出又討銀五兩置衣被徧富貴時不曾受他一毫
之惠徧於患難相逢眞惡緣哉晤香山令張嘉仲
談家鄉事甚是茫然殊悶悶仍還石壁至辛卯正

月有上韶州之便遂寄曲江

丁魁楚

丁魁楚原以撫臺失機遣戍贖歸癸未年四月擒
劉超報功王崇岩在職方復還原職戴罪屯田者
也至南京弘光則授爲兩廣制臺矣到任以來惟
崇賄賂留都敗時實通靖江王後靖藩自洩其機
反爲魁楚所縛隆武晉封平粵伯焉丙戌年十一
月永歷擁戴意雖出於西撫式耜而決成之功魁
楚爲最也當此大任宜稍易其平生之所向矣乃

兩廣紀略
擁戴後兩月苞苴更甚十二月十五日知廣城已
陷新主又逃乃撥心腹幹事者三人各挾幾千金
令之潛上廣城謀入清朝主帥營內相機作事魁
楚則將三年官橐裝載四十號大哨船棄永歷帝
獨上岑溪縣嵒候此三人回音此三人者初入李
成棟營爲家丁情纔密事以魁楚下情再告以珍
寶進成棟曰今在何處速請出仍惜重兩廣可也
三人持成棟請書上岑溪魁楚大喜將四十號哨
船盡行移出丁亥年三月初四日至肇慶成棟知

之先五里迎接握手歡談恨相見晚許以明日卽
仍督兩廣事傍晚設風酒盡歡而散先是魁楚三
子同來廣東先已殞其二子端溪署止存一子并
幼孫相隨妾婢及夫人婦則不止數百人也俱在
四十號哨船內至三更成棟船上傳令請丁老爺
相公講機密話魁楚父子不敢不往至則成棟端
坐不起兩列火炬魁楚卽跪下曰犯官有罪乞饒
兒子成棟曰令你先看兒子卽砍其子次砍魁楚
成棟走出船頭高燈齊起照耀如同白日將家丁

四十船之男人各營分撥一人其女人不論老少
美惡一五一十數入李家船聞止有一妾於過船
時投入水中此外不曾失一針也三年狼毒送於
一旦不保其身並不保其妻子人言魁楚官囊精
銀八十萬珍珠金寶番貨十倍之所遺二孫聞在
李氏官頭家做奴僕見其自言姓丁又打頭半死
云

洪天擢

洪天擢乙酉丙戌兩年俱在廣東做兩司官擁戴

永曆時白擇其地要做高雷廉瓊四府軍門則以
都察院副都御史寫勅駐高州丁亥正月清兵下
高州則攜妻子奔雷州清兵至雷州則攜妻子奔
瓊州清兵以無船過海劄徐聞者一月天擢在瓊
爲練兵措餉索詐地方幾萬金復擅行殺戮者幾
千人至四月初二日先航海投誠于李成棟仍以
海道事畀之管理至戊子年成棟叛歸明天擢首
至南寧永曆寵之以銓左遣賚諭至廣慰勞成棟
朝夕同堂者袁彭年也潘曾緯也李綺也耿獻忠

也修養甲也皆蓄髮四月餘矣忽一席間令在座
言志至天擢則曰我不願做官若有一千銀子養
得老母便去做和尚矣成棟曰好好快叫裡邊擯
一千銀子送洪和尚速喚剃頭人替洪和尚薙髮
在席莫敢措一詞見銀子擯去矣薙髮人來矣成
棟令去天擢巾帽竟剃做和尚矣天擢不敢道一
字只得歸去至明日又不好戴和尚帽又不戴紗
絹亦不敢見成棟之面無可奈何之極先央人漸
以不敢領銀之說還過銀子後再逐一解說方許

他上肇慶到任永歷于七月二十八日到肇慶故
天擢十二月方來也在肇慶以李用楫與之有隙
復修怨一場庚寅年正月聞清兵至請爲高廉四
府軍門攜妻子復去高州爲舊日受害之人所殺
妻子俱擄去天擢歎人丁丑進士向同侯淡泉二
次上春官路結社後又同榜淡老令黃岡時彼爲
知府宗祿事獨受其害擁戴時彼爲四府軍門李
武舟與有力到瓊州卽難爲武舟一家絕無香火
故舊之情故天報之如此

李綺

李綺字友三庚辰進士松江人也授瓊山縣知縣
在任六年見人惟有無飯吃三字爲啓口之談資
乙酉年四月欲上南京考選竟自離任入廣城六
月知南京潰遂買屋三千置田六千爲安土計八
月仍入廉再掌廣刑館事大兒子死於廣城丙戌
年八月福京又潰綺攜家眷下肇慶遇永歷登極
授西臺十二月十八日知廣城又潰永歷必走恐
侍御欲隨行二十日乃爲一疏特叅首揆丁魁楚


二十二日下旨降三級調用喜極卽刻解維西上
梧州至橫州由靈山攜妻妾弱媳二大女二幼女
一幼子入廉州居城中丁亥年二月清兵至廉州
綺家爲地方人所搶人口無恙綺解入廣城總兵
李成棟仍昇廣刑館五月中言不稱旨打二十板
因爲佟養甲之幕賓九月朱統鑒起兵破廉州綺
妻尙有金子三千藏在地時一家男婦大小俱搶
散并地中金亦去綺在廣不知也戊子年正月間
綺夫人與家人漸聚第二兒亦出相對一破屋中

真無飯吃矣聞有同年選茂明縣知縣今科張鳳翼者時護在官在南寧綺幼子閏三月初一日至南寧府年十七八歲與鬼爲隣詢其令尊云無音耗亦連聲無飯吃詢其來爲張年伯因入見鳳翼淡淡也送程二兩出在寓且欲無鬼爲侶矣侯之但云家母在廉絕粒者半月矣望兒歸同鄉相知者恐卒此再致意鳳翼及早送歸鳳翼乃送銀六兩又程二兩再益又一兩斷斷不能矣抑爲買藥僱轎止存三兩再身初十日早晨出城行不滿五

十里逢盜罄劫身穿衣服俱去又被大棍數十下直與鬼爲一矣轎夫仍擗之回一裸體而已此時同鄉在南寧者共爲出衣出被出柴米舊寓主人不許其入另覓一室安頓之至半夜見有香一柱燃起綺子自念曰此必觀世音菩薩來救我當坐起領受久之香不見矣再欲睡下仍取衣被蓋無有也伸手摸帳亦無有也及天明所脫下之衣服及鍋頭柴米碗箸之類盡爲偷兒所竊方知夜間之香非觀音大士斯時彼亦甚無氣息停二日卽

兩廣紀異 三
殂再為告張鳳翼贈銀二兩凡在同鄉共為殮之
停柩于西門萬壽庵至四月初十日綺至南寧知
其子已死矣又知其妻在廉州往迎之止一夫人
也女之大者不必論矣有六歲小女出招贖出五
月中同夫人小女下廣城至德慶又遇盜夫妻二
人寸絲無存及至廣小女亦殂至九月李成棟以
綺為學道己丑至庚寅十一日皆是也十一月初
二廣城既破綺在肇慶江縣考秀才初六日下午
後報到急忙起身回廣顧家眷路遇大兵弔綺於

樹百般拷打隨身之物無一存焉及至家已有一
武將來拿索去銀一萬矣十二月綺投誠見面銀
一萬又押出助餉三萬辛卯正月拘入廣城將妾
出賣又云無飯吃矣



天保禁印

